

**Ս**իրելի բարեկամ, եթե ուզում ես, որ մի գեղեցիկ օր անհավանական թվացող երազանքների իրականություն դառնան, պետք է մի կողմ նետես բոլոր տեսակի վախերն ու պատճառաբանությունները և վստահ քայլերով ընթանաս երազանքների ճանապարհով: Հիշիր, որ ամեն ինչ քո ձեռքերում է, և քեզից է կախված երազանքների ճանապարհի երկար կամ կարճ լինելը: Եթե ուզում ես այդ ճանապարհը արագ հաղթահարել, պետք է զինվես համբերությամբ, կրկնապատկես աշխատասիրությունդ և վստահ ու համարձակ քայլերով ընթանաս դեպի երազանքների աշխարհ:

Մաղթում եմ քեզ անհոգ մանկություն, խաղաղ երկինք և պայծառ ապագա:

*Հեղինակի կողմից*



ՀՏԴ 821.19-93 Բալասանյան  
ԳՄԴ 84(5Հ)  
Բ 202

**Բալասանյան Հ.**

Բ 202 Յուրահատուկը: Հեքիաթ/ Հ. Բալասանյան.- Եր.: Էդիթ Պրինտ,  
2020.- 40 էջ:

Գիրքը նվիրվում է աշխարհի բոլոր մանուկներին, ինչպես նաև նրանց,  
ում մեջ դեռ ապրում է մանուկը:

Գրքի՝ մուլտֆիլմ հիշեձցնող նկարազարդումները նախատեսված են 3-5  
տարեկան երեխաների, իսկ տեքստը՝ 5-9 տարեկան երեխաների համար:

ՀՏԴ 821.19-93 Բալասանյան  
ԳՄԴ 84(5Հ)

ISBN 978-9939-75-548-9

© Հ. Բալասանյան, 2020  
© Էդիթ Պրինտ, 2020

ՀԱՅԿ ԲԱԼԱՍԱՆՅԱՆ



ՅՈՒՐԱ  ԱՏՈՒԿԸ

Նկարիչ՝ Հայկ Բալասանյան

**Օ**րերից մի օր աֆրիկյան սավաննաներից մեկում գազանների արքա Տաֆարիի և չրնաղագեղ Մալալայի նորաստեղծ ընտանիքում լույս աշխարհ ևկավ գեղեցկուհի Կիրան: Ծնողները շատ էին սիրում իրենց



փոքրիկին և ամեն օր սովորեցնում էին  
վայրի բնության մեջ գոյատևելու արվեստը:  
Սակայն Կիրան իր ստացած գիտելիքներով  
չէր բավարարվում և փորձում էր ինքնուրույն  
հետազոտել շրջակա աշխարհը:



Օրերով նա զբոսնում էր իր հայրական տիրույթներում, ուսումնասիրում բոլոր կենդանիների վարքագծերը, իսկ երբ ճաշից հետո բոլորը քուն էին մտնում, արքայադուստրը սովորածը փորձում էր կիրառել: Շուտով նա դարձավ մրջյունների պես աշխատասեր, հովազների պես՝ ճարպիկ, ագռավների պես՝ հնարամիտ: Սակայն նրա երազանքը թռչունների պես թռչել սովորելն էր:



Արրայական ընտանիքում բոլորը Կիրային համարում էին տարօրինակ և աչք էին փակում նրա հետաքրքրությունների ու նախասիրությունների վրա: Սակայն Կիրան չէր վիստվում ցեղակիցների վերաբերմունքից և ամեն օր ուսումնասիրում ու նմանակում էր տարբեր տեսակի թռչունների՝ կատարելով տարատեսակ փորձեր:



Եվ երբ հերթական հնարքներից մեկի ժամանակ վնասեց թաթը,  
հայրը կանչեց նրան և խիստ տոնով ասաց.

- Կիրա՛, այսօրվանից արգելում եմ քեզ նմանակել թռչուններին:

- Լավ, հայրիկ,- պատասխանեց Կիրան և, առանց վայրկյան  
կորցնելու, սկսեց իր տարագույն աչուկներով ուսումնասիրել  
նեկտար հավաքող վայրի մեղուներին:

Իսկ երբ հոգնեց ու հանգստանալու նպատակով չղջիկների  
պես ծառից թարս կախվեց, նկատեց շուրջը պտտվող մի գեղեցիկ,  
ոսկեթև թիթեռնիկի:





